



Me 2024

O Le Afio a'e o Iesu i le Lagi

O le sulufaga o le afio a'e o Iesu i le lagi ua fa'amatalaina i faitauga i le Misasa o le aso Sa lona lua o le masina lenei o Me. Ina ua toetu mai Keriso sa ia malaga atu ma ana Aposetolo i Kalilaia. I le taimi ato lenei sa fa'aali o ia ia i latou i le tele o taimi. I se tasi o nei taimi sa ia fa'aali atu i se motu o tagata pe tusa ma le limaselau tagata. Sa leai ma se masalosalo i o latou mafaufau i nei aso e fasefulu ua toetu moni mai o ia mai le oti. Ae i le mae'a ai o vaiaso e tolu, sa fai 'aiga Iesu ma ana Aposetolo i le potu i luga i Ierusalem. Mulimuli mai i le faiga'ai sa ia ta'ita'i atu i latou i le tumutumu o le Mauga o Olive, o se auala pu'upu'u mai le 'a'ai aga'i atu i Petania. Sa ia fa'apa'iaina i latou ina ia o atu ma fai nu'u uma ma so'o. Ona si'i a'e ai lea o ia i luga a o latou va'ava'ai i se ao ma mou atu ai. O ni ali'i e to'alua i ofu papa'e na va'aia ma fa'ailoa atu i le au Aposetolo o Keriso ua si'itia i le lagi.

O se va'aiga uiga 'ese o manatu 'ese'ese e uiga i le Afio a'e mai seneturi e tele. I Tausaga Ogototonu sa i ai se talitonuga masani o le lagi o se fale 'ie tioata ua ufiufi ai le lalolagi. O ata o le si'itiaga i le lagi ua tusia i nei vaitau sa fa'aalia Keriso o lo'o si'itia a'e i se ao i le isi itū o le fale 'ie. O le Atua le Tamā o lo'o nofonono ai i'inā ma fa'atalitali lona taunu'u atu.

O la tatou malamalama'aga i le vāteatea ua alualu i luma talu mai Vaitausaga Ogototonu, ae o le va'aiga 'autū o le Afio A'e o Iesu i le Lagi o lo'o tumau pea. O le si'itiaga o Keriso i le lagi o le fa'apaleina mamalu mo le Feagaiga Tuai. Mai le taimi o tatou ulua'i matua o pa puipui a le lagi sa tumau pea ona tapunia mo le tagata e ala i le agasala fa'asolo. O latou uma sa maliliu i le Feagaiga Tuai sa tineia le va'aia o le Atua. Ae o le Afio a'e o Iesu i le lagi na suia nei mea uma. Ina ua afio Iesu i le lagi, sa ia toe tatala le lagi mo tagata uma. Sa ia ta'ita'ia aga'i atu i le lagi se vaega o agaga manumalō. Sa ia ta'ita'ia perofeta ma le tele o ali'i pa'ia a le Feagaiga Tuai i le tui e fa'avavau.

I le ulufale atu i le lagi ua toe fo'i atu Keriso i lona aiga moni. Sa soifua ai Keriso i lenei lalolagi mo ni tausaga e tolusefulu – tolu tausaga. Sa ia faia vavega ma fa'avae se Ekalesia. Sa sau o ia i lenei lalolagi i se misiona fa'apitoa, ae o lenei ua mae'a lana misiona. Na sau e fa'aola le tagata ma sa ia ausia lenei fa'amoe-moe. O lenei ua toe fo'i atu i lona aiga moni.

A o i ai o ia i lenei lalolagi sa folafola mai e Keriso o tatou fo'i e mafai ona ulufale atu i le lagi. Sa ia folafola mai o latou uma ua papatisoina ma talitonu i ana a'oa'oga ma usita'ia ana poloa'iga o le a olioli fo'i i le lagi. O lana ulufale atu i le lagi o se folafolaga o a tatou fo'i toetū. O lana afio atu i le lagi ua fa'ailoga ai le tatala mai o le lagi i tagata uma.

O le sulufaga o le afio a'e o Iesu i le lagi ua fa'ailoga ai le taimi muamua o se tino tagata ua ulufale atu i le lagi. Ina ua sau Keriso i le lalolagi nei sa ia tau'ave se tino tagata. I le si'itia a'e i le lagi, sa si'itia atu ma lenei tino. Sa ia toe ulufale atu i le lagi ma lona natura tagata fa'apea o se mamana.

Ina ua latalata ona maliu epikopo pa'ia o Sagato Martin, sa ma'ale'ale ona puapuagā. Sa ta'oto i lona moega ua lata ona maliu ma va'ai toto'a i luga. O latou sa si'omia o ia sa taumafai e liliu o ia ina ia fa'aitiitia ai ona tigā ma ona puapuagatia. Sa ia talosaga atu ia i latou e fa'amolemole 'aue le fa'avelave ia te ia ona o la e metitasio i le auala na uia e Keriso i le aga'i atu i le lagi. O lenei ua sili atu lona taūa i lo le tau fa'aitiitia o ona tigā.

Ia tatou fa'ata'ita'i ia Sagato Martin i lenei faiga. Ia tatou mafaufau so'o i le lagi ma iloaina o le aiga na fausia e le Atua mo tatou. Ia tatou galulue ma tatalo e i ai se aso ia tatou mauaina e pei ona mauaina e Keriso.

Fa'amanuia mai le Atua i le faigamalaga ale tatou Kapelanisia i lenei masina.

Sagato Tomasi a Kempis

Ali'i Fa'aleagaga (1380 – 1471)

“A e sa'ilia Iesu i mea uma lava o le a mautinoe e te mauaina Iesu. Ma afai e te sa'ilia 'oe lava o le a e mauaina 'oe lava, ae ua na o ou lava fa'aletonu.”

Thomas a Kempis na fanau i le tausaga 1380 i le 'a'ai o Kempen, latalata i Dusseldorf. O le amataga o lona olaga fa'aleagaga na faia i le nofoaga na ta'ua o Uso o le Olaga Masani, sa nonofo ai ma lona uso o Ioane mo ni tausaga e tele. O lenei sosaiete, fa'avaeina i le 1376 e le ali'i o Geert Groote, sa taumafai e fa'apotopoto tagatā lotu ma le 'au fai tofi i se ituaiga fa'alelotu ua taumauga i le ola ai i le agaga a le evagelia. O lenei 'au uso e le'i saisaitia e ni tautoga tumau, ae sa ola ai i se Tulafono masani, fa'asoa mea uma ua masani ai, ma lagolago i latou lava i galuega fa'atauva'a.

I le tausaga 1399 na ulufale atu Tomasi i se nofoaga sa ta'ua o le Monaseri a Aukusitino i le 'a'ai o Zwolle, le nofoaga sa ia ta'utino ai o se monike i le 1406 ma na fa'au'uina o se ositulaga i le tausaga 1413. O lona olaga o se monike e le'i iloga. Sa ia tauavea ni tofi 'ese'ese i le monaseri, faia ni kopi o tusitusiga, ma tusia ni fa'asalalauga 'ese'ese fa'aleagaga. Na maliu o ia i le aso muamua o Me, i le 1471, i le iva – lua o ona tausaga. O Tomasi i se va'aiga o se monike pa'ia. Ae ua tau leiloaina o ia i le tusi o lana tala'aga i lo lana tusi o le 'Fa'afoliga ia Keriso – *Imitation of Christ*, e masalomia o se tasi o tusi ua sili atu le fa'atosina o tusi tu'utoina ua tusia. E ui na tusia fa'asaga sa'o i ona uso a monike, ua talafeagai le fa'aleagaga ale Groote ma ona uso fa'alafu lemū, fa'aalia pe fa'apefea i se olaga tu'uto fa'alelelotu ona ola ai i le lalolagi ma e lē na o i se monaseri.

Mo Tomasi o le fa'afoliga ia Keriso e lē fa'apea o le fa'ata'ita'i i ana gaiouga va'aia ae o le faia o faiga mai totonu o le amioatua: loto maualalo, vavae'ese mai le lalolagi, tatalo, ma le usita'i i le finagalo ale Atua. E ui o se tusi lesona sa'o atoatoa mo le fa'aleagaga, *O le Imitation* ua fa'apea mai o le ala aga'i atu i le lelei atoatoa ua mafai ona mauaina e tagata uma, e lē mana'omiaina se faiga fa'apitoa, galuega po o se tulaga i le olaga. Ioe, i le tusi atoa, ua fa'amamafa mai ai e Tomasi o le olaga fa'aleagaga ua lē manatu na o galuega atu i fafo a se tasi ae ole agaga ua faia ai. Ua va'aia e le lalolagi ma fa'amasinoina e pei ona va'aia; o le Atua ua va'aia mea o o'o i le loto. O le mea lea ua va'aia le anoanoa'i o le alofa ua u'una'ia ai se tagata, i lo le ta'uta'ua o mea na ia ausia.

Ua fa'apitoa le inoino a Tomasi iā i latou sa sa'ili e suia le atamai po o le a'oa'oina mo le tapua'iga moni: O se tagata loto maualalo e 'au'auna atu i le Atua ua sili atu lona fa'afiafiaga iā te ia i lo le atamai fa'amaualuga ua iloaina le ala a fetū ae tu'ulafoaina lona ia agaga.” O le malamalama loto maualalo a se tasi iā ia lava o se ala mautinoa lea i le Atua i lo se sa'iliga loloto a mataupu fa'asaenitisi.

O le au faitau i aso nei atonu o le a solomuli mai i le va'aiga fa'afoliga inosia a Tomasi i le lalolagi. Fa'atasi ai ma Gagana sauā ua ia apoapoa'i atu i ana au faitau e fa'auma le fa'anaunau natura ma ave 'ese mai o latou alofa mai mea ua va'aia. Ae e lē o le lalolagi na foafoaina e le Atua ua ia tausalaaina ma le malosi. O mea ua ia te'ea o ni tulaga fa'atāuaina ua tu'uina atu i le lalolagi pogisā. A tatou tu'ufua mea e muta iā i latou lava ua avea i latou ma va'aiga manino; ua tatou va'aia i latou ma alofa atu i ai ma le fa'asino i lē na Foafoaina i latou, le punavai o mea uma ua lelei ma matagofie. A tatou va'ai i mata o le fa'atuatua, ua tatou va'aia le Atua i o tatou si'osi'omaga. I se mafaufauga 'ese, tatou te lē va'aia se mea ae ua na o tatou.

The Imitation of Christ ua i ai sona va'aiga tutusa i Katoliko ma Porotosano. O ana au faitau tu'utō na a'afia ai Tomasi More, Ikenasio Loyola, Ioane Wesley ma Siaosi Herbert. O le lauiloa o le galuega ua tu'uina atu lea i le fa'atauva'a, le faiga e pei o ni ma'a teuteuina: “Ua sili atu lo'u manatu salamō i lo le mafai ona fa'amatalaina o ia.” Ae o lona fa'atumutumuga lava o lana paoa o lo'o malōlō lea fa'augaina masani o le olaga fa'aleagaga o se taumafaiga ina ia fa'amaoni iā Keriso. Mo lenei taumafaiga e tatau iā i tatou ona fa'aseseina i tatou lava i se talitonuga o le faitauina o tusi e uiga i le fa'aleagaga o se suiga tatau talafeagai lea. E pei ona maitauina e Tomasi: “I le Aso o fa'amasinoga o le a lē fesiligia i tatou o a mea sa tatou faitaua, ae o a mea sa tatou faia.”

Mai ia Sakaria aga'i atu iā Akapusi: O le Agaga Pa'ia ia Luka – Galuega (2)

(fa'aauau mai lomiga talu ai)

O le vaega lona lua lenei o tusitusiga a Luka – Galuega ua asiasia pe na fa'aapefea i le Agaga Pa'ia ona fa'aosofiaina le misiona a le Ekalesia i tua atu o Iutaia ma aga'i atu i le i'uga o le lalolagi. O a lu'itau ua tu'uina mai e Galuega mo le Ekalesia i aso nei?

I fuaiupu muamua a le Galuega a le au Aposetolo ua tatou a'oa'oina mai ai o le misiona e tataua ona tuliloa 'i Ierusalem, i Iutaia ma Samaria, ma aga'i atu i tuluiga o le lalolagi' (1: 8). I le vaega muamua o lenei tusitusiga ua tatou su'esu'eina le afio ai o le Agaga Pa'ia i le Evagelia a Luka ma i ulua'i mataupu a le Galuega, e pei ona fa'atumulia e le Agaga latou e pei o Setefano ma suia ai fa'apopotoga. A o fa'asolosolo pea le tusi o Galuega, ua ta'ita'ia e le Agaga le a'apa atu a misionare i tua atu o Ierusalem ma tua atu o le Fa'aiutaia. I Samaria o le alualu lelei o tala'aiga a Filipino ua mulimuli mai ai ma le asiasiga a Peteru ma Ioane (8: 14), o a la tatalo na fa'afaigofie ai le afio ifo o le Agaga Pa'ia (8: 15 - 17). E ui o nei Samaria sa 'papatisoina i le suafa o le Ali'i Iesu' ae latou te le'i taliaina le Agaga. O le fa'asa'oga tonu lava 'o le fa'aloaloina o lima' ua aumai ai le mealofa a le Agaga (8: 17), O lo'o i ai se va'aiga manino lelei i'inei i mea na tupu i le mataupu 6 ina ua fa'aloaloa lima a le au aposetolo i luga o latou ua sauni e 'au'auna ua talia le Agaga. O le Agaga ua a'afia i le papatisoga ma fa'apea le fa'apa'iaina mo 'au'aunaga.

O le taliaina ole Agaga i Samaria ua leai se vevesi fa'apea le leai o se fa'aailoga o le mana a le Agaga: o Simeona le fai maneta na taumafai e fa'atau mai le paoa e fa'ae'eina ai le Agaga i le fa'aloaloina o lima, o le ulua'i agasala o le 'fa'atauina', na te'ea malosi e Peteru (8: 20) I le toe fo'i atu fa'atasi ma Peteru ma Ioane i Ierusalem, o lenei ua fa'atonuia Filipino e le 'agelu ale Ali'i' ina ia malaga atu i saute i Kasa (8: 26). O le Agaga lava na ta'uina atu ia Filipino 'Fa'alatalata atu ia, ma e fa'atasi i lenā ta'avale (8: 29), ma ole Agaga na ave'eseina mai Filipino ina ua uma ona papatisoina le eunuka (8: 39). E lua matafaioi a le Agaga e manino lelei ona fa'amatalaina, tasi o le papatisoga ma le isi o se ta'ita'i mo le tala'iga. O le mea atoa na tupu na amataina e le 'agelu ale Ali'i' ua fa'aailoa mai ai e i ai auala 'ese'ese e fa'aailoa ai fuafuaga 'ese'ese a le Atua. Atonu e fa'ate'ia i le tala mata'iga a le vala'auina o Saulo ua ta'ua ia e le Agaga ua na o lona papatisoga. Ua fai mai Anannia: Lo'u uso e Saulo, ua auina mai a'u e le Ali'i o Iesu, sa fa'aali iā te 'oe ile ala na e sau ai ina ia e toe va'ai, ia fa'atumuina oe i le Agaga Pa'ia (9: 17). O le tala'iga malosia saulo o le Evagelia o se fa'aailoga manino o le paoa ale Agaga ua ia taliaina. O se fa'aupuga pu'upu'u na mulimuli mai le tala o le galuega ua fa'asino i le Ekalesia ua savavali fo'i ma le mata'u i le Ali'i, ma ua fa'ato'ateleina i le fesoasoani a le Agaga Pa'a (9: 31). O le Ekalesia mo Luka ua fiasia fo'i i le to'a filemū a le Agaga.

3

O se Penetekoso fou mo le Tagata o Nu'u'ese

Se'ia taunu'u mai i lenei taimi o le tausisi ma tagata liu lotu a Iutaia, ma nisi Samaria, ua papatisoina. O tala laua'itele mai o le papatisoga a Konelio ma lona aiga, o lenei ua mulimuli mai, ua fa'amamafa maia le ta'ua o le taimi lenei i le tala a Luka. O nei mea na tutupu ua ta'ita'ia e le Agaga Pa'ia.

O le tala na amata i Kaisara ma Konelio, o le seneturi fa'atuatua ma le mata'u na foa'i i le alofa i tagata ma tatalo so'o i le Atua na i ai se va'aiga o le iva itulā ma taliaina se fe'au a se 'agelu ale Atua (10: 2 – 3). Ua tatou maitauina o le Agaga e lē o a'afia manino, ona, e pei ona moni fo'i mo Saulo i le 9: 17, o le Agaga e masani ona ulufia le olaga Kerisiano i le papatisoga.

I le aso na soso'o ai i Jaffa na una'ia e le Agaga Pateru, o lē sa i ai ona ia va'aiga lu'itau, e 'aua le fa'atali ae alu atu fa'atasi ma le savali ma avefe'au e to'atolu a le seneturi, ona, ua fai mai le Agaga, 'Ua ou auina atu i latou' (10:20). Ua faia e le Agaga le fuafuaga i le fa'atinoina o nei malaga atu. O fa'atonuga manino fa'apenei mo le misiona o le a toe va'aia i le Galuega 13: 2 ma le 16: 6 – 7.

Ua mavae aso e lua ae ulufale Peteru i le fale a Konelio. Ua ia fa'amatala le mafua'aga ua ia sau ai: 'Ua outou iloa lava ua sa i le tagata Iutaia ona fa'atasi pe fa'alatalata i le tagata 'ese' (10: 28). Ua ia iloina nei o le fe'au a Iesu i tagata uma, ma a o ia folafola le fe'au Kerisiano o le Agaga Pa'ia na 'afio' ifo iā i latou uma na fa'aloga (10: 44). O le au 'fa'atuatua peritomeina', Kerisiano Iutaia, latou sa fa'atasi atu ma Peteru ua maofa i le molimauina o le 'mealofa' a le Agaga Pa'ia na liligi ifo i le au fa'apaupau, ma fa'alogoia i latou o tautatala mai i 'gagana 'ese'ese' (10: 45 – 46). O le fa'alavelave i'inei ua sili ona malamalamaina o se toe va'aia o le mea na tupu i le Penetekoso (2: 4), ma o le a toe molimauina i le Efeso (19: 6). O le mealofa a le Agaga Pa'ia ua fa'amaufa'aigaina e le vai o le

Mai ia Sakaria aga'i atu iā Akapusi: O le Agaga Pa'ia ia Luka – Galuega (2)

papatisoga (10: 47).

I se taimi mulimuli mai, i lana ripoti i le au aposetolo i Ieruselema, na ta'uamionuina e Peteru lana mea na fai. Sa ia fa'amautinoa iā i latou na fai atu le Agaga iā te ia ō ma latou sa auina atu e Konelio ma ole Agaga Pa'ia na sau i luga o latou i le amataga (11: 15). O le Penetekoso ale au fa'apaupau ua manino ona fa'ailoa mai o latou fo'i e mafai ona taliaina le mealofa a le Agaga, ma le salamō ua ta'ita'ia i le ola (11: 17 – 18).

O le Ekalesia i Ieruselema o lenei ua auina atu le tagata lelei a Panapa, fa'atumulia e le Agaga Pa'ia ma le fa'atuatua (11: 24) ina ia va'ai pe fa'apefea i le misiona i tagata o Nu'u'ese ona fa'aauau. Sa aumaia Saulo i le au aposetolo (9: 27) ma o lenei ua alu atu i le aiga a Saulo i Tarusi ma aumai o ia i Anetioka (11: 25 – 26). O le Agaga iā Panapa ua fa'amanatu iā te ia le gafatia ia Saulo, ma o Panapa e le'i toe fa'atali i le fa'alauiloaina le tasi o lana ma'elega ma taleni o le a fa'apa'ologaiina o ana ia lava.

O se mea na tupu e itiiti ua fa'aalia ai le isi fua o galuega a le Agaga. O se vaega o perofeta, latou ua i ai le mealofa o le tautatala atu i fa'apotopotoga, ua o malaga mai Ieruselema ma aga'i atu i Anetioka. O se tasi ua vala'auina o Akapo na 'valo'ia' e le Agaga' o le a i ai se ōge lautele, ua so'ota'i e Luka i le ōge i taimi o Kalaotio (11: 28). I le faitauina o fa'ailoga o na taimi i le mana a le Agaga Pa'ia, o le Ekalesia i Anetioka sa fa'aosofiaina e avatu le to'omaga i le Ekalesia i Iutaia. O Saulo sa a'afia ai fo'i, ma na mulimuli ane i lana tala'aiga o se aoina o ni mealofa mo tinā o lo'o tauivi ma le olaga i le Ekalesia i Ieruselema o le a avea ma mafua'aga sa ia fa'aauauina ai lenei galuega ma le naunauta'iga (Roma 15: 25 – 26).

I le uma ai o se malologa taūa, ina ua tu'uina atu Peteru i le falepuipui (12: 1 – 19), ua amata le fa'amatalaga a Luka i le faigamalaga o le tala'iga tele a Paulo. I taimi o sauniga fa'afa'apotopotoga ma le anapogi na tu'uina atu e le Agaga le fa'atonuga: 'vavae'ese Panapa ma Saulo mo a'u mo le galuega ua ou vala'auina ai i la'ua.' (13: 2). Ua toe va'aia le Agaga Pa'ia ua a'afia ma le malosi i le foafoaina o le misiona, ma ua foliga mai ua tupu lenei i le tomanatuga ale fa'apotopotoga, lagoonosua e tatalo ma le fa'alaina: 'Ina ua anapogi ma tatalo ma fa'aloaloa lima i luga o latou, ua auina atu i latou' (13: 3).

Auina atu e le Agaga Pa'ia (13: 4), ua latou o atu i Selukeia, le uafu i Anetioka, ona aga'i atu ai lea i le motu o Kuperu, le nofoaga na latou aga'i atu ai i Salamina ma Pafo (13: 4 – 6). I se va'aiga i se mea na tupu i Pafo ua tatou faitau ai: 'A o Saulo, o Paulo fo'i lea, ua tumu o ia i le Agaga Pa'ia' (13: 9). Ua tu'uina atu ia Paulo se fa'aeaea maualuga, ma o se igoa ua talafeagai ma tala'iga i tua atu o tapula'a a Iutaia, ma o lo'o i ai se fa'amanatu o le afio ai o le Agaga Pa'ia mo lana misiona fa'apitoo.

O le lauga sili muamua a Paulo i Anetioka i Pisitia ua mā'oi'o mai lona lipotiina, ae o lona alualu lelei e muta. O fa'afeagai ua tuputupu a'e ma o le aso na soso'o ai o Paulo ma Panapa ua tautala i nei upu maoa'e i totonu o le sunako i Anetioka: 'Ua tatau lava ona ma mua'i folafolaina atu le afioga ale Atua iā te outou.' (13: 46). O le te'ea i totonu o Sunoka o se fa'ailoga o a la taumafaiga e tatau ona fa'a'autū i tagata o Nu'u'ese. O le fa'asauāina e le mafai ona taofiofia ai le aga'i i luma a le Evagelia. Ua fa'atumulia le au so'o i le fiafia ma le Agaga Pa'ia' (13: 52).

Ua foliga mai e lelei i le Agaga Pa'ia ma i tatou.

Atonu o le fa'aupuga sili ona ofoofogia i le ta'ita'iga a le Agaga ua sau mai le fa'ai'uga o le Galuega 15. O le au ave fe'au mai ia Iakopo, ua auina atu mai Ieruselema aga'i atu i Anetioka ina ia tausisi o ali'i mai Nu'u'ese ua manana'o e avea ma Kerisiano e tatau ona muamua peritomeina (15: 1). O le 'fonotaga' na mulimuli mai i Ieruselema na taunu'u i se fa'ai'uga taūa tele e 'aua le peritomeina Kerisiano mai Nu'u'ese. I se tusi na momoli atu i ekalesia e Paulo ma Panapa, ua tatou mauaina ai ni fa'ata'ita'iga o Tulafono ma ta'utinoga a le Ekalesia i seneturi e tele: "Auā ua lelei i le Agaga Pa'ia ma i matou nei" (15: 28). Ua fa'aosofiaina e le Agaga le tatala e le'i fuafuaina ua fa'amausalina ai atoatoa le faia o le tala'iga a Peteru ma Paulo. O le lauga a Peteru na talitonuina ai i latou ona ua ia fai mai: O le Atua ua foa'iina atu le Agaga Pa'ia iā te i latou, pei o tatou nei.' (15: 8). I lenei auala e lē masalomia o le Agaga ua saunia la latou fa'ai'uga.

O Panapa ma Paulo ua femavaevaea'i ona o Ioane Mareko (15: 36 – 39). I le Galuega 16 ua va'aia le

Mai ia Sakaria aga'i atu iā Akapusi: O le Agaga Pa'ia ia Luka – Galuega (2)

Agaga ua tau'ave se matafaioi manino, fa'asāina i latou ona tala'i le upu i Asia ma fa'asāina le ulufale atu i Pitunia (16: 6- 7). I le taimi tonu lea na fa'alogoina ai e Paulo i se va'aiga le leo a se Maketonia: "Sau i Maketonia, ma fesoasoani mai iā te i matou!" (16: 9). Ua sauniuni le Agaga mo le malaga atu i Europa i le fa'asaina so'o se afe i le taumatau po o le agavale. E lē o le taumatau aga'i atu i Pitunia, po o le agavale i Asia, ae fa'asasa'o i 'a'ai o Teroa ina ia alu atu i Europa ma le misiona a Paulo i Filipi, Tesalonia, Atenai ma Korinito. E le o i ai se isi taimi na te ta'ua ai le Agaga i nei gaoiiga. Na toe fo'i atu lea o Paulo i Kaisareia ma Anetioka.

I lana asiasiga i Efeso i le Galuega 19 na mauaina e Paulo ni so'o, sa papatisoina fa'atasi ma Ioane, e le'i fa'alogava lava pe i ai se Agaga Pa'ia (19: 2). I le mataupu i luma atu sa ta'ua ai le taunu'u atu i Efeso o le tagata Iutaia o Apolo le igoa. O ia fo'i fa'atoa mauaina le papatisoina mai ia Ioane (18: 25). E ui sa fa'amatalaina o ia e 'ma'elegā i le agaga' ae ua tatou le iloaina se isi taliaina o le Agaga e Apolo. O aposetolo sa mauaina e Paulo i Efeso ua fa'avave ona papatisoina: "Ua fa'ae'e atu fo'i e Paulo ona lima iā te i latou, ona o'o lea ole Agaga Pa'ia iā te i latou, ona tautala lea i Gagana 'ese'ese, ma perofeta ane i latou" (19: 6). Ua fa'aalia Paulo o lo'o popole e aumai nei Kerisiano i le atoaga o le olaga Kerisiano, ma le olaga fa'aosofiaina e le Agaga. O le tautalatala i Gagana 'ese'ese ua malamalamaina lelei o le tautala i Gagana 'ese'ese e pei ona ta'ua i le Penetekoso i le 2: 4 ma i le Penetekoso a Tagata o Nu'u'ese i le 10; 46.

I lana lauga fa'amavae aloa'ia i le au matutua a Efeso, na a'ami atu e fa'afeiloa'i ia Paulo i Meleto, na ta'ua ai e le aposetolo le Agaga. Sa ia va'aia lona taimi i Asia o se 'au'aunaga ma le loto maualalo ale Ali'i e ui i le tele o le tete'e. O Paulo ua 'saisaitia e le Agaga, ona ua ia va'aia na o le saisaitia a o ia aga'i atu i Ierusalem (20: 22). Na lapata'ia o ia e le Agaga Pa'ia 'i lea 'a'ai mai lea 'a'ai o lo'o fa'apea mai o lo'o fa'atali mai noanoaga ma puapuagā' (20: 23). Sa ia fa'amalosi'au i le au matutua, fa'amanatu iā i latou o le Agaga Pa'ia ua faia i latou ma leoleo mamoe a le ekalesia ale Atua (20: 28). Sa ia tu'uina atu i latou i le Atua, ma le upu o lona alofa tunoa' (20: 32). O le Agaga ua afio malosi tele i le olaga a Paulo o le a lē to'ilalo ai le Ekalesia i taimi o i luma.

A o tatou aga'i atu i le mataupu mulimuli a le Galuega e lua ni mea na tutupu na aumai ai e le Agaga Pa'ia nisi lapata'iga e uiga i le i'uga a Paulo. Sa manino lelei Paulo i noanoaga ma puapuagā o lo'o fa'atali mai (20: 23) I Turo o Paulo ma ana fa'auō na saili atu so'o o lea pitonu'u, o ē sa fa'aosofiaina e le Agaga ina ia una'ia Paulo e 'aua le malaga atu i Ierusalem (21: 4). O le alu 'ese mai Turo ua fa'aleo maia Meleto: 'Ua matou to'atutuli i le matafaga, ua tatalo. Ua uma ona taumavae ona o a'e lea o i matou i le va'a, a ua toe fo'i atu i latou (21: 5 – 6). Sa iloaina e le au so'o e ala ile Agaga le lamatia o lo'o feagai ma Paulo, ma o lo latou alolofa mo ia na taumafai e 'alo'ese mai ai. O se fa'alavelave mata'utia ia toe a'afia ai le perofeta Kerisiano o Akapusi, o lē na vala'uina le oge i Iutaia ma na mafai ai e le Ekalesia i Anetioka ona auina atu ni fesoasoani. O lana feiloa'iga ma Paulo na faia i Kaisareia, ma sa ia faia se gaoiiga ua manatua ai Ieremia po o Esekielu. Sa ia saisaia ona ia vae ma lima i le fusipa'u a Paulo ma o le Agaga Pa'ia sa fa'apea mai: 'E fa'apea ona fusifusi i Ierusalem e Iutaia le tagata e ona lenei fusi, ma latou tu'u atu iā te ia i lima o nu'u 'ese' (21: 110). O upu a le perofeta ua manatuaina ai upu a Iesu iā Simone Peteru i le Ioane 21: 18: 'E fusifuisi iā te oe e se tasi, e 'ave fo'i 'oe i le mea e te lē loto i ai.'

O le mata'itū fa'apitoa ua avatu e Luka i le Agaga Pa'ia i lana Evagelia ua tapena fa'anatura ai mo le ta'ua so'o o le Agaga i le Galuega. O le Agaga e sau ma le filemū ma le mata'utia, feso'ota'i mai tagata ta'ito'atasi, e aumai le ta'ita'iga fa'apitoa po o fea e alu i ai ma o fea e 'aua le alu i ai, e lapata'i ma fa'amafanafana. O le Agaga sa tautala e ala mai i perofeta Eperu ua sili atu lona ia malosi i tagata fou a le Atua. Ua fa'aalia lenei i upu mulimuli a Paulo i le Galuega ua toe manatua ai na tautala le Agaga Pa'ia ma le filigā e ala i le perofeta o Isaia. O le fa'amamafa faifaipea a Luka o le Agaga sa tautala ia Isaraelu o lenei ua tautala atu i nu'u uma, o latou e mulimuli atu iā Iesu ia fa'ataunu'uina le poloa'iga a Iesu, fa'atasi ai ma le mana a le Agaga Pa'ia, e tataua ona avea i latou ma molimau 'e le na o i Ierusalem ae iā Iutaia ma Samaria atoa, ma i tuluiga o le lalolagi' (1: 8)

Aso Sa Ono o le Eseta

Aso Sa Ono o le Eseta

E leai se manatu e 'alo 'ese mai le mea pito sili le taūa na fesili ai Iesu iā i tatou, ma poloa'iina ai i tatou ina ia faia, o le alofa atu i le isi. I le po ae le'i maliu o ia, sa ia aumaia se poloa'iga fa'atauva'a lava: alofa atu i le tasi e pei ona ia alofa mai ia i tatou. O le fa'ata'ita'iga ma le tulaga mo amioga Kerisiano o lenei alofa na fa'aalia e Keriso mo i tatou i luga o le koluse. E tasi le mana'omia ua fa'apipi'i ina ia talia ai lenei mealofa o le alofa ale Atua o le galuega fa'atino tatou te fa'asoaina lenei alofa ma isi. O le alofa mo latou ua mafai ona tatou va'ai atu i ai, ua fa'alatalata ai i tatou i lenei lalolagi i le alofa ale Atua o Lē e le mafai ona tatou va'ai i ai. Ina ia iloaina le alofa o le Atua e tatau ona tatou lia'i i luga a'a o a tatou manatu fa'apito iā i tatou lava ma amata ona fa'asili le manatu i isi i lo tatou lava. A tatou mumusu e fa'asoa, ua tatou tu'ua'ia i tatou lava i se taugamalulū o le tu'ulafoa'ina, si'omia i tatou i se pa puipui ua taofiofi ai tagata i fafo po o se mamao saogalemū.

Ona o ni so'o ua vala'auina i tatou ina ia avea o ni tagata i isi, faia faigataulaga mo latou, mulimuli i fa'ata'ita'iga a Iesu. Alofa o se ituaiga o faigataulaga – a 'oe lava ua mana'omiaina ai i tatou e foa'i, e lē na o mea ua tatou maua ae o tataou lava, o tatou taimi ma o tatou taleni. Mo se fa'ata'ita'iga, tinā ma tamā ua avea ma molimau iā Keriso i o latou olaga i aso ta'itasi i le galue ma le lē fa'avaivai e fafaga a latou aiga, tausi fanau mama'i ma faufautua iā i latou pe a lē mautonu. O le feagai atu ma nei ta'utinoga atonu e faigatā ma taugatā ona o se malaga umi ma le tauiviga, ae o le faia fa'apea ua fa'amautinoaina ai le mauaina o le Atua ma le fiafia. O le taimi lava e i ai le alofa, o lo'o afio ai le Atua. O le fe'au lenei e ao ona tala'iina i upu ma fa'ata'ita'iga. O le auala sili le aogā mo feso'ota'iga ma fa'aioa atu ai lenei alofa o le va'aia o tagata uma o ni uō, avatu iā i latou le fa'aaloalo ua tatau.

O le alofa ale Atua mo tatou ua sili atu i lo so'o se mea ua tatou mafaufauina. O tatou ta'itoatasi ua alofagia ta'ito'atasi ma le vavalalata. 'E pei ona alofa mai lo'u Tamā iā te a'u ina ia ou alofa atu iā te outou.' E lē tatau ona tatou mauaina le alofa ale Atua ma e lē mauaina e tatou lava. O le fa'avae moni lava ua folafolaina e le Atua lana filifiliga, avatu i tatou ma alofa iā i tatou mai le amataga e o'o i taimi tatou te le'i fananau mai. O lona alofa mo tatou na ta'ita'ia ai o ia e auina mai lona Alo i lenei lalolagi e ave'ese atu a tatou agasala. I taimi o fa'amasinoga ma atuatuvalega ina ua te'ea i tatou e tagata ma tatou fa'alogoaina le toso ale 'o'ona ma le ita i o tatou loto, e taūa tele le manatuaina e alofa Keriso ua lē fa'amutaina na o tagata e fiafia i ai, ma e tatau ia i tatou ona ave'ese o tatou mafaufau i manatu o le tau'i ma sui. E le gata i lea, ia tu'u atu o tatou mafaufau i le matagofie o le alofa a le Atua mo tatou ua aumaia iā i tatou se vala'aulia e fa'asoa i lona soifuaga mamana. O le fa'ataunu'uina ole poloa'iga o le alofa ua tata'i atu ai i tatou i le aiga o le Atua. I le afiafi o le olaga, o le a lē fa'amasi-noina ai o tatou vaivaiga po o tatou sesē ae i le aofa'iga o le alofa ua tatou fa'aalia. O le mea lea, ia alofa atu le tasi i le isi.

Afio o Iesu ile Lagi

O le Aso o le Si'itiaga ua tautala i le misitelio ma le paoa e a'apa atu ai i le isi fua. Ua fa'aioa ai le i'uga o le tala'iga a Keriso i le lalolagi nei ma patipatia ai lona toe fo'i atu ma le mamalu i le Tamā i le lagi. E ui o le gaoiga mulimuli o le ta'amilosaga o le soifuaga, maliu ma le toetū a Iesu, e lē o se aso mo fa'anoanoaga ae o se taimi mo le olioli ma le fa'afouga o le fa'amoemoe. I le afio atu i le lagi, ua tulei atu o ia lava mai le masani i le tulaga 'ese, mai i'inei i Kalilaia i so'o se mea i le lalolagi atoa. Sa ia taofia le fa'amuta o lona taimi i se taimi e tasi po o se nofoaga e tasi po o se fa'apotopoto-ga o ni tagata. E ala i le mana a le Agaga Pa'ia sa avanoa pea ae ua lē va'aia mo latou uma sa naunau ina ia feso'ota'i pea ma ia, 'au ai i lana galuega ma fa'asoa i lona mamalu.

Mo le au aposetolo o lona uiga o le taimi mo a'oa'oga ua uma ma o le taimi ua taunu'u mo le amata-ga o la latou tala'iga, 'e o atu i le lalolagi uma ma tala'i atu le tala lelei i tagata uma' (Mareko 16: 15). I le alu 'ese atu o le Ali'i na tutū le au so'o ua lē gaoi, pulato'a i mea na tutupu. O le fa'anoanoaga i o latou loto ua malamalamaina ona o se taimi lona lua lenei ua latou mafatia tele ai i le vav-a'ese mai iā Iesu, ma sa latou lagoaina o latou olaga o le a lē toe tutusa. Ua toe vala'auina i latou i le moni e ni ali'i to'alua e ofu papa'e sa fa'alavelave ia latou manatunatuga, talotalo atu iā i latou ina ia faia pisinisi a la latou ali'i. O la latou misiona e lē o le tutū solo ma va'ava'ai i le lagi, fa'atalitali mo

Afio o Iesu i le Lagi

se mea e tupu. I le to'esea ai o Keriso, ia avea ai i latou ma ana ave fe'au, folafolaina le Tala Lelei i tagata matitiva, latou ua sauāina ma tagata uma ua i ai le mana'omia.

O le toe fo'i a Iesu, i ona mamalu uma, i le Tamā ua aumai ai iā i tatou se va'aiga o le lumana'i tele ua vala'auina ai i tatou. Pe afai tatou te fa'atuatuaina pea ana a'oa'oga, o la tatou taunu'uga mulimuli o le a fa'apea fo'i ma le Tamā i le lagi. E pei o le au aposetolo, ua fa'atonuina i tatou e Keriso ia avea ma ana molimau i le a'oa'oina atu o le Tala Lelei aga'i atu i tuluiiga o le lalolagi. O se galuega mata'utia ae ua mafai ona faia i le fa'amafanafanaga na te lē o tu'ua i tatou o ni fanau e leai ni matua, ae ala i le mana a le Agaga Pa'ia, ua fa'atasi pea o ia ma i tatou iā tatou taumafaiga uma.

O le olaga e masani ona mafaufauina o se faigamalaga ma o tatou uma o lo'o faimalaga i lenā auala taūa. Ona e to'atele o tatou e fa'avaivaiina e tofotofoga, puapuagatia ma fa'anoanoaga o le olaga, ua mou atu le fa'amoemoe ma ua lē mautonu po o fea ua aga'i atu i ai, e leiloina pe o i ai se mea i le taunu'uga o le auala. Ua latou mauaina la latou fiafiaga i le nofonofo ai i manatu ua tuana'i. E pei o le au aposetolo, i le Aso o le Si'itiaga, sa fa'aalu lo latou taimi i le fa'atalitali le mautonu ma va'ava'ai le lagi. O le Si'itiaga o Keriso i le lagi ua fa'amausalīina ai iā i tatou o lo'o i ai se mafua'aga i le olaga ma o la tatou faigamalaga, e ui i le faigatā, o le a toe avea i tatou i le Tamā. Mo le taimi nei, tatou ola ai i le fa'amoemoe o upu a Iesu o le moni mo tatou ina ua ia fai mai: 'Ina ia i ai outou i le mea ou te i ai.' (Ioane 14: 3).

Aso Sa o le Penetekoso

O vaiaso talu mai le Eseta sa tatou patipatia, i se uiga fiafia, le toetū o Iesu Keriso, ma toe manatuaina le anoanoa'i o ana fa'aaliga i le au aposetolo. A o latou maitauina lona i ai, sa mū o latou loto ma fa'atumulia e le mafana, fa'amautinoaina, filemū mai totonu ma le malosi. O le asō o le sulufaga o le Penetekoso ua manatua ai le afio ifo o le Agaga Pa'ia i luga o le au aposetolo i se va'aiga i se matagi malosi ma laulaufaiva afi. O le faitauga muamua ua fa'amatalaina ai le mata'iga fa'alavelave na maua ai le au aposetolo i le afio mai a le Agaga Pa'ia. O suiga i faiga o lo latou olaga ua maoa'e, a o una'ia i latou e le Agaga ina ia avea ma ni tagata lelei. Sa latou tu'u'esea le fa'aeteete, ua le toe fefefe ma fa'avavevave atu e amata le latou misiona o le tala'i atu o le Tala Lelei, folafolaina ma le lototoa lo latou fa'atuatua i le Keriso fa'akoluseina. Na fa'afuase'ia ona leai se masalosalo, o mea uma ua alualu lelei ma malamalamaina. I le taimi lava lenā o le ekalesia ua fanau mai. O le Agaga ale Atua ua fa'atumulia ai le au so'o ma le fa'amoemoega fou ma le loto tele. Sa latou taliaina le mana ma le malosi e o atu ai i le lalolagi ma fa'aauau ma le fiafia le galuega na amataina e Keriso.

O le afio mai o le Agaga i le aso muamua o le Penetekoso e lē mo se taimi e tasi ma mo mea uma, ae o le amataga o lona i ai tumau i le ekalesia. Ona o le vituti o tatou papatisoga, ua latalata mai ai le Agaga Pa'ia iā i tatou. Po o fea lava o lo'o i ai ni loto ua tatala e talia o ia, o le Agaga o le Atua ua sasa'a mai, fa'aosofiaina ai mafaufau e tauavea la latou misiona o ni sui a Keriso. O lenei sulufaga ua aumai ai iā i tatou o lo'o vala'auina i tatou e le Atua i se vā feagai ai loloto ma ia ma e mana'o iā i tatou e fa'asoa i lona soifua. O se vala'aulia e fa'amumū le afi o le alofa ma toe fa'aola mai le kalasia na vala'auina ai i tatou i le papatisoga. E lē masani ona tatou iloaina le taimi e fa'agai ai i tatou e le Agaga, ae fa'afuase'ia so'o ona fa'ate'ia so'o i tatou i le paoa ua una'ia ai i tatou e gaii. O taimi uma lava ua tatou o atu ai i tua atu o tatou manatu fa'apito fa'atauva'a ma a'apa atu i le popolega moni mo tagata ua a'afia i ni fa'alavelave, o le Agaga ale Atua o lo'o galue i le ta'ita'iina i tatou, aumai se malosi fa'afouina e fa'afaō ai tulaga fa'atāuina a le tagata ua taliaina ma le loto e gaii atu i se fa'asinoga fou.

A o tatou feagai atu i ni fa'amasinoga ma koluse ma feiloa'i atu i faigatā ma fa'anoanoaga ua mafai ona avea ma fa'anoanoaga i o tatou olaga i aso ta'itasi, ua tatou i ai i le mana'omia o le fesoasaoni a le Agaga Pa'ia, o lona afio ai o le a maua ai se va'aiga 'ese iā i tatou. Sa folafola mai Keriso o le malosi a le Agaga o le a sau pe a tatou talosaga mo ia. E taūa la i tatalo ia tatou fa'amatala pea faitoto'a o tatou loto ina ia fa'aafio mai o ia i totonu. Ua avea i tatou ma tagata ua 'ese ma suia ona ua tatou tu'uina atu le avanoa i le Agaga Pa'ia e fa'alavelave i o tatou olaga, lia'i i luga o tatou fa'atauva'a ma faia ni auala mo le ola fou. O mea o le a aumai e le Agaga i o tatou olaga pe a tatou tu'uina atu na te ta'ita'ia i tatou, o le olioli, filemū ma le alofa. I lenei aso Sa o le Penetekoso, tatou fa'afetaia le Atua mo le mealofa o le Agaga Pa'ia ua galue fa'ananā i le tele o taimi e fa'aloloto o tatou fa'atuatua, fa'atumulia i tatou ile malosi ma le fa'aosofiaga ma toe fa'afouina o tatou olaga.

Aso Sa a le tasitolu Pa'ia—aso 26 Me

A o tatou su'esu'e i faitauga o pasina a le evagelia ua tatou mauaina i ai le talatala mai mo tatou ni mea lilo vāvālalata e uiga i le soifuaga ogatotonu a le Atua. Mai fa'aupuga ma mea na faia e Iesu a o i ai i lenei lalolagi, ua mafai ona tatou mauaina na o ni vaega itiiti o le misitelio ale Atua. Mo se fa'ata'ita'iga tatou te lē mailoaina o le Atua o se aiga o peresona e to'atolu pe ana lē fa'amatalaina e Iesu. Sa ia fa'aalia lona natura uiga'ese mo le taimi muamua i le mae'a ai o lona papatisoga. A o aga'i mai o ia mai le vai o Ionatana, na afio ifo le Agaga Pa'ia i ona luga i se va'aiga o se lupe, na matala le lagi ma o se leo ua fa'apea mai, 'O lo'u Atali'i pele 'oe, ou te fiafia iā te 'oa' (Mareko 1: 11). I lona soifuaga atoa i lenei lalolagi sa talanoa pea Keriso e uiga i le Atua o lona Tamā ma lana misiona o le faia o le finagalo a lona Tamā. Sa ia fa'asino iā te ia lava o le Alo e to'atasi a le Atua, ma ua tatou iloaina ai o le galuega a le Agaga o le alu pea i luma ma fa'aauau i le ekalesia le galuega sa ia amataina. O le sulufaga o le asō o le Tasitolu Pa'ia ua patipatia ai le misitelio o le tolu peresona i le Atua e tasi, tu'ufa'atasi e le alofa. Ua fa'atumulia ai i tatou i le maofa ma pupula o tatou mata i le fa'aaloalo, ona e leai so tatou Atua o ona muta'aga e mafai ona tatou fa'amatalaina. I le Tasitolu ua aumaia o tatou mafaufau i se feso'ota'iga alofa fa'atasi ai ma le lavelave ma le ofoofogia o le Atua, ua leai se gagana e lava ua mafai ona fa'amatalaina. O lona maoa'e ma lona agalelei ua sili atu i tuā'oi a mafaua uma ma tua atu o tatou taumafaiga fa'aletagata ina ia malamalamaina. Ua ta'u maia e Sagato Aukusitino iā i tatou pe a tatou tautala e uiga i le Atua e 'aua le maofa ona tatou te lē malamalama, ona a fa'apea tatou te malamalama ona lē o ia lea o le Atua. O se Atua e leai se misitelio o le a leai sona finauga mo la tatou fa'aaloalo. E lē tataua ona tatou va'ai i le Tasitolu o se fa'afitauli e ao ona fofō, o se paso e ao ona iloaina po o se mea ua na ona tofotofoina ai o tatou fa'atuatua. Ua aumai e Keriso lenei va'aiga fa'apitoa i le natura ogatotonu ale Atua ina ia tatou iloaina ai o le olaga ua tatou fa'asoaina i o tatou papatisoga, ina ua sasa'a mai le Agaga Pa'ia i o tatou loto, faia i tatou ma fanau fai a le Tamā. O taimi uma tatou te faia ai le fa'aailoga o le koluse a o fa'apa'iaina i tatou, ua tatou fa'aalia o tatou fa'atuatua, vala'au i le suafa o le Tasitolu. O gaiogiga ua o fa'atasi ma upu ua fa'amanatu mai ai iā i tatou e ala i le koluse a Iesu ua tatala mai ai le ola a le Tasitolu iā i tatou, ma o le koluse ua pau lea o le uiga e mafai ona tatou mulimuli ai iā Keriso lo tatou Fa'aola i le ola e fa'avavau.

8

O le aso Sa o le Tasi Tolu Pa'ia ua aumai ai iā i tatou le alofa vāvālalata ma le alofa fa'apitoa a le Atua mo tatou. Ua fa'aalia ai le Atua e ai se naunauta'iga i tagata ta'ito'atasi, ona o le Tamā, fa'aola ma le ta'iala fa'aleagaga. I le uma ai o tatou taumafaiga uma e fa'aali le maofa i le anoanoa'i o le misitelio a le Atua, o lē e agaalofoa, e mamao ae latalata mai, o se isi ua 'ese atoatoa ma i tatou ae alofa ma amana'ia mai, ua tatou fa'aailoa atoatoa o upu e lē o ni sui talafeagai mo faiga tapua'iga ma tomanatunatuga. I lenei sulufaga tatou faia tatalo faigofie Kerisiano: O le vi'iga i le Tamā ma le Alo ma le Agaga Pa'ia, pei o le vi'iga i ona po nei ma le fa'avavau, fa'avavau lava. Amene.

O le a se va'aiga i se Ekalesia ua fa'a'au i tusitusiga pa'ia? O le Tusi Pa'ia o lo'o i tua atu o le Atua ua tautala mai i faiga fa'atosiga e ausia ai ni mea.

O lenei tusitusiga o se va'aiga i le aga'i atu a le Ekalesia Katoliko i le Tusi Pa'ia o se fa'avae mo le Atua o Lē ua tautala mai i fa'aupuga.

'O le mea sa i ai talu le mataga, na matou fa'alogologo i ai, na matou va'ava'ai atu i ai o matou mata, na matou matamata ai, na tagotago fo'i o matou lima i le 'Upu o le ola' (1 Ioane 1: 1)

E le'i masani 'ea i le Ekalesia Katoliko ona i ai le Tusi Pa'ia i lona ogatotonu? O le tali e lē fa'atauva'a e pei ona tatou manatu i ai. A o tosigaga le Ekalesia i le Tusi Pa'ia i augatupulaga uma, o le fonotaga a le Vatuikano II o epikopo mai le lalolagi ma a latou faufautua na toe fo'i i le Tusi Pa'ia ma le loto i ai, i Tamā Anamua a le Ekalesia, ma itū masani o tatalo ma faigatalosaga. O lenei faiga sa faia ma le loto i ai i le va'ai pe fa'apefea i la tatou telosia ma le fa'asinomaga ona avea ma se

O le a se va'aiga i se Ekalesia ua fa'a'utu i tusitusiga pa'ia? O le Tusi Pa'ia o lo'o i tua atu o le Atua ua tautala mai i faiga fa'atosiga e ausia ai ni mea.

fa'ato'esega ma se finauvale talu le toe Toefuata'iina. Ina ia tatou fa'auuaina ni ala e lua e fa'amatala ai i tatou lava o ni Katoliko ma Porotasano i se fe'ese'esega - fa'afeagai o le tasi i le isi i lo le va'aia o fa'asinomaga nei e lua i lalo o le upu e tasi ale Atua. O le Tusi Pa'ia ua fevaevae'esaina mata'utia i tatou i lo le tu'ufa'atasia o tatou.

O le sikolasipi fa'atusi pa'ia o le vaitau o le 'aisa sa faifai mālie atu ona fa'avaivai mai le 'aisa ua amata ona va'aia se faiga fou i se lalolagi ua tatou lagonaina ua amata ona ave'ese le Fa'akerisiano, ae i isi o auala ina ia fa'alauiloa ai le moni, fausia ma fa'afaileleina le feiloa'i ma suiga moni. Le toe fo'i atu i le Vatikano II, aga'i atu i le puna'oa o Tusitusiga Pa'ia, tu masani ma faigatalosaga, ua tatou va'aia ai le fa'amamafa 'ese'ese i Ekalesia ua sau i luga, aemaise fa'atasi ai ma va'aiga e tolu: Ekalesia o ni tagata fou a le Atua; o le Tino a Keriso, ma o se Malumalu a le Agaga Pa'ia.

O le a le a'afiaga o nei vaega ma le Tusi Pa'ia, ma le avea ma autū fa'atusi pa'ia i aso nei? Se'i o tatou toe fo'i i tua i le Tusi Pa'ia mo ni manatu. I Evagelia, ua tatou faitau ai o Iesu na tu'ua ana so'o ma le anoanoa'i o le sa'olotoga e mailoa ai lana misiona; sa itiiti lava ni fa'atonuga, ae sa i ai se va'aiga manino. O lenei sa ta'ita'ia i ni fa'auigaga 'ese'ese e le au aposetolo ma latou sa tusia le Feagaiga Fou, aemaise le Galuega ma Tusi 'ese'ese. O le vevesi ma finauga i le fa'apefea ona avea tatou ma Ekalesia ua fa'auuaina ma le naunauta'iga i nei aso. Ina ia fofō nei mataupu, e tatau ona tatou toe asia Tusitusiga Pa'ia.

Iā Iesu ua tatou mauaina i ai se fa'ata'ita'iga pe fa'apefea ona fausia ma va'aia lelei suiga. Sa fa'afaileleina le au toe fa'afouina e le'i manatu i ai, ma i le latou te'ea o tu masani, sa latou fa'aosofiaina le Ekalesia anamua. E 'ese atoatoa mai tulaga fa'atāuaina a le Malō a Roma, o latou sa mulimuli atu ia Keriso na suia foliga o le lalolagi. I le fatu o a latou tulaga fa'atāuaina o le alofa, agalelei, fa'amagalo ma le fa'aleleiga o mea nei e tatau ona fa'aogaina tutusa i tama'ita'i uma, ali'i, tamaiti ma tagata e leai se paoa. O lenei va'ai mamao manino a Iesu ua aofia ai ma latou e lē talitonu. Ma ua fa'afouina ai le ulua'i va'ai mamao fa'atusi paia i le filifiliga ale Atua mo tagata fa'ate'a'eseina, tamaiti e leai ni matua ma tagata sulufa'i. O le mea lea i le fa'atasi ai ma Iesu o se faiga e 'ese a fa'apotopotoga o tagata ua amata ona va'aia ua tu'uina atu ai le avanoa iā i latou e matitiva, le au fa'atauva'a ma le au sulufa'i ua tu'uina atu i ai le avanoa ogatotonu a o le au malolosi ma le au maumea ua ave i ai le nofoaga lona lua. O la tatou lalolagi i taimi nei, e ui i lenei fa'ata'ita'iga, o lo'o fa'alauiloa pea le ola a lē malosi ma le mau'oa fa'alemafau. O mea na a'oa'oina mai e Iesu iā i tatou o le ola ai o lē agalelei po o lē e lē manatu fa'apito iā te ia lava e mafai ona toe fa'ava'a ai o tatou aiga ma fa'alelei ai a tatou sosaiete. O lo'o i o tatou agaalofa ma le tausiga o latou ua leai ni leo ma le vaivai ua tatou tutū fa'atasi ma maopoopo ai; ae o lenei a'apa atu e tatau ona tele ona 'ese'esega pe afai e tali atu ma le mata'alia i le lavelave o tatou taimi.

O la tatou ekalesia, ua tatou fa'apea mai e tasi, pa'ia, Katoliko, ma aposetoliko, e moni e tasi le fa'alapotopotoga ae lē tutusa. O le mea na amataina e le Vatikano II o se faiga o le fa'atalanoaga laua'itele ma le galulue fa'atasi. Ua tatou va'aia lenei i galuega a Pope Faranisisi i le *Evangelii Gaudium*, *Laudato Si*, *Amoris Laetitia* ma i le vaega muamua e fa o le *Querida Amazonia*. Ua tatou va'aia lenei i le Sinoti fou na vala'uina uma i ai tatou e faia. Ma o mea ua tatou mauaina mai ai pe fa'apefea i la tatou lagolago fa'apitoa ona fa'a'autū i nisi o vaega a le Ekalesia o se tosiga 'ese mai isi mataupu i totonu ma fafo atu o le Ekalesia – e taūa tele, le fa'aleagaina fa'aletonu o le paneta lava ia ma fa'ateleina o le fa'aleagaina ma le mou atu o le fa'aaliga ale Atua i le foafoaga ua mata'utia ona tatou fa'aleagaina. A tatou lē va'aia i le so'otaga i le va o le Tusi Pa'ia ma suiga o la tatou tau, o le a tatou lē malamalama e lē gata o tatou nofoaga, matafaioi muamua ma mafua'aga i le avea ma Ekalesia ae o le a lamatia ai lo tatou ola ai i le lumana'i.

Pe o i ai ni fete'ena'iga i le 'ese'ese o malamalama'aga i le Ekalesia ma moni o le avea ma Katoliko i nei aso, ae lē afaina ai pe fa'apefea ona fa'asoa lo tatou fa'atuatuga i a'oga ma palisi, ua toe vala'uina ia i tatou e tatala le Tusi Pa'ia. O le mea lea, o la tatou Atua o Lē ua Tautala fa'atauva'a, o se galuega faifa'atasi i le va o le Koneferenisi a Epikopo a Enelani ma Ualesi ma le Sosaiete a le Tusi Pa'ia, ua mafai ai e la tatou Ekalesia Katoliko ona toe feso'ota'i atu i le loloto ma se naunauta'iga tele ma le Tusi Pa'ia; ma i le faiga e toe fa'afou ai le va'ai ma le ola a la tatou Ekalesia i le taimi a se Pope o ana lava fo'i a'oa'oga ma 'au'aunaga ua matagofie le

O le a se va'aiga i se Ekalesia ua fa'a'auutu i tusitusiga pa'ia? O le Tusi Pa'ia o lo'o i tua atu o le Atua ua tautala mai i faiga fa'atosiga e ausia ai ni mea.

fa'atusipa'iaina..

I lenei faigamalaga, ua tatou mauaina ai se Tusi Pa'ia e lē vevesi ma a'oa'oga po o se lu'itau i o tatou fa'asinomaga Katoliko, ae o se fa'afouga o a'a Katoliko ma puna'oa o na a'oa'oga lava latou. O le aveva ma Ekalesia ua va'aia fa'atusipa'ia e lē fefe e tatala le Tusi Pa'ia i totonu o pasi, e pei ona fa'amalosi'au mai Pope Faranisisi iā i tatou ina ia faia fa'apea, ua aveva i tatou ma Katoliko a'ia'i, sili atu le aposetoliko ma sili e pei o – Keriso. Ua tatou toe fa'aolaola ai a tatou va feagai ai fa'aekumene. Ona i lenei va'aiga fa'atauva'a, e pei ona faia e fa'apotopotoga sa potopoto ma Iesu, ua tatou mauaina o tatou auala, o tatou moni ma o tatou olaga. Tatou te le'i manatu lava o le Atua e tautala mai i fa'aupuga o se autū mo se tausaga e tasi o le mafua'aga na alai ona tatou fausia se tafa'ilagi fa'apa'iaina ua fa'afouina i masina uma. E ala i la tatou tauvaga tatou te manatu e fa'aailoa pe fa'apefea i le Tusi Pa'ia ona fa'avae la tatou katesimo, a'oa'oga, fa'aevagelia, gaoiga fa'asosaiete ma faigatalosaga. I le patipatia, ola ai ma fa'asoa le Upu a le Atua i ni auala fou, i tulaga 'ese'ese ma faiga o a'oa'oga 'ese'ese, Tusitusi Pa'ia ua atili ona mafai e tagata ona faitauina.

O le toe fo'i iā tatou fa'atusa e tolu o le Ekalesia, e fa'apefea la ona faia ai i tatou e fa'a'auutu i le Tusi Pa'ia i nei aso? O le fa'atusa o Tagata fou a le Atua ua fa'amanatu mai iā i tatou o la tatou fa'asinomaga ua feso'ota'i lea i ulua'i ma tagata filifilia a le Atua – Isaraelu. Ua fausia i luga i le musu a Sagato Paulo, aga'i atu i le te'ea tele, e atina'e se fa'asinomaga uiga 'ese Kerisiano e aunoa ma Tagata Eperu. Ua toe fa'amausalī ai Tusitusiga Iutaia ma le tala'aga a Isaraelu e tatau mo lo tatou malamalama'aga o Iesu ma lana Evagelia, ma tatou o ni tagata o le fa'atuatua. O le Tuai ua i le Fou ma o le Fou ua i le Tuai, fa'apuina e Sagato Aukusitino. O le mea lea, ua tatou fa'alauiloaina le Feagaiga Tuai e pei ona tatou faia i le Feagaiga Fou mai le amataga o la tatou fa'aupuga. Afai tatou te lē malamalama i le Feagaiga Tuai, ona tatou lē malamalama lea i le tala'aga na soifua ma galue ai Iesu. Ma o le a tatou lē talisapaia le mafua'aga na fouvale ai o ia.

10

O le fa'aogaina o le fa'aupuga 'Tagata ale Atua' ua fa'apea ai ona fa'amautinoa ai o le Ekalesia e lē na o se manatu fa'atulagaina. Afai o tatou uma o atali'i ma afafine ale Atua i le papatisoga, o tuafafine uma ma uso iā Keriso, ona i ai lea iā i tatou uma le aiā tutusa i le moni, ina ia mafai ona talia lea, malamalama i ai ma fa'asoa, e lē afaina pe o tatou ua ta'i lima tausaga pe selau.

O le fa'atusa lona lua na filifilia e le Vatikano II o le 'Tino o Keriso'. O le tino o Keriso o lenei ua toetū ua i ai nei i le lalolagi ma i le Ekalesia i se auala uiga 'ese. Ua tu'u fa'atasia ai le ulua'i fa'apotopotoga o so'o i le Penetekoso i le gaoiga a le Agaga aga'i atu i le lumana'i. O lenei afio ai o Keriso i le uma ai o le toetū o lenei ua mafai ona lautele. O lana pa'i fa'animonimo i tua atu o taimi ma le vateatea ua fa'amatalaina ma le matagofie i le pese lotu o le Keriso le Efeso ma Kolosia; i le fa'atusa o le Upu na aveva ma tino i le fa'atomuaga a le Evagelia a Ioane, ma i le tagata o Keriso le Ositaulaga Sili i le Tusi i Eperu.

Ae ui i lea, o lenei fa'atusa o le tino ina ua fa'aogā i la tatou Ekalesia o lo'o i ai ma se vevesi, talu ai ua tatou iloaina mai le poto masani o le Tino o Keriso ua tofitofiina i la tatou fa'aogaina o lana ulua'i va'aiga. Ma ua tatou fa'aauau ona avatu se tino tofitofiina a Keriso i taimi uma tatou te o fa'alelei ai ma a tatou aiga, tuā'oi ma uso a tagata i lenei lalolagi. Se tasi o tuā'oi fa'aekalesia ma a tatou fevaevae'i fa'alelalolagi/pa'ia le tino o Keriso i aso ta'itasi. E masani o tatou uma e lē gafatia le mafai ona fa'alelei nei fe'ese'ese'iga, ma e pei o le soifua maloloina e lē lelei, o le tino ua aveva ma avega mamafa ae lē o se mealofa. Ae ina ua tatou faitauina le Tusi Pa'ia, ua tatou mauaina mai ai o lo'o i ai se anoanoa'i o avanoa ma le 'ese'ese'iga i le malō o le Atua. Ma o nei mea uma e ao ona patipatia, ae lē o le fa'aumatiaina. Mai le tala o le Fofoaga agai atu i so'o o Iesu, mai le poto masani tu'ufa'atasi a perofeta, o salamo ma tusitusiga o le Poto, aga'i atu i Galuega ma Tusi e tele, i taimi ma toe fa'apea ai, o le Atua ua tomanatu i auala e tele o le fa'aailoaina mai o le alofa, agalelei ma le fa'amagaloga. O le Agaga o le Penetekoso ua fa'alauiloa ai se Atua malosi, o lē e feula i le nofoaga e faia ai, o lē ua gaoi e lē tumau i se mea e tasi, o lē e fiafia i le fofoaina ma fa'aauau ona fausia i augatupulaga ta'itasi.

O le fa'atusa lona tolu a le Vatikano o le 'Malumalu a le Agaga Pa'ia' ua taumafai ina ia fa'apaleni le va'ai a le Ekalesia mai Sasa'e e 'autu ia Keriso. Ma o lenei sa fa'aalia ma le va'ai i le gaoiga Fa'afouina Tausa'afia a Kerisiano i le lalolagi atoa, i le Fa'apenetekoso Kerisiano ma i le au

O le a se va'aiga i se Ekalesia ua fa'a'autu i tusitusiga pa'ia? O le Tusi Pa'ia o lo'o i tua atu o le Atua ua tautala mai i faiga fa'atosiga e ausia ai ni mea.

fa'atuatua a le Ekalesia i Sasa'e i le manatuaina o le Agaga. Pope Ioane Paulo II na fa'aigoaina lena ' O le 'auga o le Penetekoso o le alu i tua atu ae le o le aga'i mai i totonu'. O le ulua'i misiona Agaga – fa'aosofiaina na aga'i atu i se lalolagi o le mata'u, le mautonu ma le leai o se fa'amaoni. O se tauiviga i aso ta'itasi o le inoino ma sauaga e le'i muta i o tatou taimi. Ina ia malamalama pe na fa'apefea ia Iesu ona lu'itauina lenei faiga masani e mana'omia se fa'atuatua o le tele o ana aposetolo e le'i mafai ona mauaina mai i le amataga. Afai tatou te a'oa'oina maia lenei i o tatou lava ekalesia i le taimi nei, ina ua tele a tatou mataupu ua tutusa lelei fa'apea, e tataua ona tatou toe fo'i i tua i le fa'ata'ita'iga fa'atusi pa'ia ua tu'uina mai e Mataio 18: 20 - “Auā o le mea ua fa'apotopoto ai se to'alua, po o se to'atolu i lo'u igoa, ou te i ai fa'atasi ma i latou”. I lenei taimi e le'i a'oa'oina e Iesu ana so'o e pei ona i ai, ae na avatu se fa'ata'ita'iga mo le ta'ita'iga o le a latou mana'omiaina ina ia feagai atu ai i le lumana'i. Sa ia fufuluina o latou vae, o se tautala aleaga tele e o' lava i taimi nei tatou te tauivi ma lenei 'au'aunaga fa'ata'ita'i i o tatou fa'apotopotoga. Ae o lenei fa'ata'ita'i loto mauilalo ua tumau o se tofotofoga mo isi vaega o le olaga, ma alu sa'o i le mataupu: o tagata uma e tutusa i le Malō o le Atua.

Ua fa'aalia mai e Iesu se faiga fou o le avea ma ta'ita'i ma se mea'ai e manatua ai o ia. O mea'ai sa mauiluga lo latou ta'ua i le olaga Iutaia, ma sa malamalama Iesu i lo latou gafatia e tatala ai se avanoa e fa'asoa ai mo latou e masani ona fa'agaloina. O lana mea'ai mulimuli sa fa'apea o se mea'ai Pa-seka, le manatuaina fa'aleausaga e Isaraelu o le Atua o Esoto sa ta'ita'ia maia i latou i le sa'olotoga. Sa fa'aogā e Iesu lenei tū masani ma ona tala'aga ma soso'o atu ai i le lumana'i o ana so'o e to'asefululua ua fememea'i. Na soso'o ai lona tago i le fa'aailoga o le Esoto – le toto o le tama'i mamoe na fa'aailoaina ma puipua le au Iutaia, le falaoa le fa'afefeteina ma le uaina fa'amanatu fa'apitoa, ma sa ia toe – fa'augaina lona ia lava soifua fa'atasi ma nei fa'aailoga moni.

11

Mai le taimi nei aga'i atu i luma, so o se taimi latou te fa'atinoina ma manatuaina ai lenei mea'ai faifa'atasi, i le fa'atuatuga sa ia fa'asoa ma i latou, le fa'aleleia, le Atua fa'asa'oloto o le tamoe atu i o latou fa'apotopotoga ma agai atu i le lalolagi. 'O lo'u tino lenei... o lo'u toto lenei... o lona olaga lea. O le mea'ai o le fa'afetai o lo'o fa'auau pea o le uiga o le olaola ma le matagofie o a tatou fa'apotopotoga. O le Eukalisitia ua faia le Ekalesia, ma o le Ekalesia ua mafai ai e le Eukalisitia ona tupu. E aunoa ma lenei manatuaina fa'asoa ma sauniga, i le ogatotonu o lo'o i ai Tusitusiga Pa'ia, ua tatou leiloa atu se manatu o se fa'apotopotoga ma le gafatia mo se suiga fa'asosaiete fai fa'atasi: mo tatou lava, mo latou e sui mai ia i tatou, ma mo latou na a'afia i mea na tutupu muamua. I le Eukalisitia, i lenei manatuaina o le taimi ua tuana'i ma le taimi nei, o le tala a Iesu ma tatou ua fa'auau ona tu'u fa'atasa. O nei Tusitusiga Pa'ia ua fa'aailoa mai ai lenei tala ia i tatou ma vala'uina mai ai tatou e avea ma vaega o lona lumana'i: na toetu mai Iesu i le aso tolu e pei ona tusia i le Tusi Pa'ia? Afai tatou te leiloaina po o a nei Tusitusiga Pa'ia, e fa'apefea ona tatou malamalama i nei upu, aemaise le vavega moni o le toetu o Iesu?

Mo nei mafuaga uma, o lo tatou Atua o Lē ua tautala mai i fa'aupuga ua tu'uina mai i Tusitusiga Pa'ia i se va'aiga lelei i o tatou loto ma lima, ia tatou a'oga ma aiga, o tatou ofisa ma femalagaa'iga. Po o fea lava tatou te i ai, o le evagelia e mafai ona suia o tatou olaga.

O se polokalame lenei mo le fa'asologa o Semina a le Pule'aga o lo'o tapenaina e lana afioga ia Patele Patrick Bridgeman. O aso , taimi ma nofoaga e fai ai ua tu'uina atu mo lo outou silafia fa'apea nisi e mafai ona 'au atu i ai.

- **Liturgy of the Word:**

7-9pm on Wednesday 26 June
@ Sacred Heart Church, Petone

- **Liturgy of the Eucharist:**

10am-12pm on Saturday 17 August
@ St Joseph's Church, Mt Victoria

- **Its impact in our lives**

7-9pm on Wednesday 16th October
@ St Theresa's, Plimmerton



Presenter:

Fr Patrick Bridgman

Liturgy Advisor

Archdiocese of Wellington

Mafutaga a Tinā a le Palisi a Te Wairua Tapu ma le latou galuega o le teuina fa'a – Samoa o le taulaga e afio ai le Tinā Pa'ia sa molimana'o mai ai le faife'au a le palisi.





Since our last update, the Cathedral Parish Office has moved from the Cathedral, into the ground floor of Viard House on Eccleston Hill, Thorndon. Please pop in and say hello. Our office hours are Tuesday, Thursday and Friday, 10am - 4.30pm. The entrance is via the Conservatory at the northern end of the house.



Cathedral earthquake strengthening beam that reads **AD2023**, which is the year this strengthening beam was installed. A lot of work has gone into making the building safe for us now and for the future.

See more updates online as we prepare for the reopening at www.cathedralcampaign.org.nz

Faitau mo le Masina o Me– 2024

FAITAUGA MO LE MASINA O ME 2024

Aso 5 Me Aso Sa Ono o le Eseta – Faitauga muamua: Galuega 10: 25 – 26, 34 – 35, 44 – 48. Matua: Ua afio ifo le Agaga Pa’ia iā te i latou uma lava o e fa’alogo i le Upu.

Salamo – 98: 1 (tali), 2 – 3 (tali), 4 (tali). Tali: Ua fa’ailoa mai e le Ali’i o lana lava fa’aolagata.

Faitauga lona lua – 1 Ioane 4: 7 – 10. Matua: O le Atua, o le alofa lava ia.

Aleluia, Aleluia... Afai e alofa mai se tasi iā te a’u, e tausia e ia la’u upu; e alofa fo’i lo’u Tamā iā te ia, e o mai fo’i i ma’ua iā te ia - Aleluia.

Evagelia – Ioane 15: 9 – 17. Matua: E lē sili lava le alofa o se tasi i lenei alofa, ia tu’uina atu e se tasi lona ola mo ana uō.

Tofitofiga o le Upu:

Ua tu’uina mai iā i tatou i le asō ni faitauga loloto, o nei faitauga ta’itasi e aogā tele mo tomanatunatuga mo le vaiaso. O le moni ua tatou iloaina nei o le Atua e lē fa’apito, ae so’o se isi lava e mata’u i le Atua ma faia mea ua sa’o ma ua taliaina e ia. O le va’ai mamao a Pateru ua anoanoa’i lona a’afiaga mo le tala’iga a le evagelia i fafo atu o tagata Isaraelu, ma o lo’o tauave pea lenā fa’amalosi fa’amisionare i aso nei, fa’apea le i ai o ni a’afiaga ogaōga mo le va feagai ai a tagata Kerisiano ma tagata o isi talitonuga – o se fua taūa o le fa’atuatua i le lalolagi i nei aso. O le Tusi muamua a Ioane ua ta’u maia iā i tatou: O se tasi ua alofa ua alofagia e le Atua ma iloaina le Atua... auā o le Atua o le alofa.’ E fa’apefea le Atua? O le a le natura a le Atua? O a mea e tatau ona tatou faia ina ia fa’afiafia ai le Atua? O le tali e fa’atauva’a lava – o le alofa. Ma o le a le uiga i lenā. Ua ta’u maia e le evagelia iā i tatou: ‘alofa atu i le tasi ma le isi e pei ona ou alofa atu iā te ‘oe.’ Ma o lenā ua fa’aalia i tulaga uma i luga o le koluse a Keriso, ona e fa’apenā ‘ona ou alofa iā te outou.’ O faitauga uma e tolu ua aumaia iā i tatou e lē na oni fa’amatalaga po o se va’aiga i le lalolagi, ae ua latou lu’itauina ai lē ua fa’alogo ina ia va’ai i le lalolagi i se va’aiga fou ma se va’aiga lautele. O mafutaga uma ma isi tagata ua fa’ailogaina e o latou – ma tatou – va feagai ai ma le Atua, ma o lenā ua fa’avae ai pe fa’apefea ona tatou feiloa’i atu i isi. O le Atua na foafoaina ma u’uina mea ola uma e lē na o se malosi tele po o se tagata mamao mai le lagi ae ua a’afia vāvālalata i mea uma e ala i se taumauga i le alofa. Ma o lenā alofa e lē o se fa’amatalaga po o se manatu, ae o se fa’aaliga i le tu’uina atu atoa. O le amataina ona u’umau le moni o lo’o i tua o nei faitauga e tolu o le va’aia lea o le lalolagi i se auala fou.

Aso 12 Me Aso Sa o le Afio A’e o le Ali’i – Faitauga muamua – Galuega 1: 1 – 11. Matua: Se ā le mea tou te tutū ai, ma va’ava’ai i le lagi? O Iesu ua ave’ina a’e i le lagi.

Salamo 47: 1 – 2 (tali), 5 – 6 (tali), 7 – 8 (tali). Tali: O lo’o afio a’e le Atua ma le alaga fiafia, o lo’o afio a’e le Ali’i ma le leo o le pu.

Faitauga lona lua – Efeso 1: 17 – 23. Matua: Ua ia fa’anofa iā te ia i lona itū taumatau i mea o i le lagi

Aleluia, Aleluia... Ia outou o atu e fai nu’u uma ma so’o; ou te iā te outou i aso uma lava e o’o lava i le gata’aga o le lalolagi... Aleluia.

Evagelia – Mareko 16: 15 – 20. Matua: Ua aveina a’e o ia i le lagi, ona nofo ai lea o ia i le itū taumatau o le Atua.

Tofitofiga o le Upu:

Faitau mo le Masina o Me– 2024

O le autū o le sauniga o le asō o lo’o maua lea i le faitauga mai le Galuega a Aposetolo: “Ona si’itia lea o ia, a o latou o va’ava’ai atu; ua avea fo’i o ia i le āo nai o latou luma.” Fitu vaiaso na tuana’i atu, na maliu ai Iesu ma tanuina o ia. O le Eseta na va’aia ai o ia ua toetū mai le tu’ugamau, ma o le asō ua ia si’itia mai le lalolagi nei aga’i atu i le itū taumatau a le Tamā.

O le nofoaga fa’aalologia sa tupu ai lenei mea i luga o le mauga sa i ai le togā olive. Ua fa’aigoaina o le Mauga o Olive. O lenei vaega maualuga ua ofoina maia se va’aiga matagofie i luga o le ‘a’ai o Ierusalem, sa masani iā Iesu ona fa’aogaina o se nofoaga mo tatalo. O i’inei sa ia a’oa’oina ai le au aposetolo le tatalo – Lo Matou Tamae. O ona tigā mata’utia i le togāla’au na tupu e latalata ifo i ai – i Ketesemani i le fa’avae o le mauga.

O nei aso o lo’o i ai se tama’i falesā i luga o le Mauga o Olive e tasi le faitoto’a e masani i tagata a ulufale e tatau ona punonoue pei o la e ifo pe a ulufale. O lona taualuga e lapotopoto ma e pa’epa’e e fa’avave ona tosiga i ai le va’aia a se tasi aga’i i le lagi. O se tulaga vae i le papa o se molimau manino, ua fai mai tala fa’asolopito o le mea tonu lea na tu ai Iesu ae le’i si’itia i le lagi i Lona Tamā. E lua tulaga vae sa i ai, ae ua ave le isi ina ia toe fa’atū i le isi maota pa’ia.

O le Mauga o Olive o se nofoaga pa’ia o mamalu tumau, ona o le Si’itiaga o le patipatiga o le manumalō a Iesu i le agasala ma le oti. O le isi lea fa’amaoniga fa’atalitonuina o le moni o Lona suafa, “Ali’i.” O le aso o le Si’itiaga ua fa’amanatu ai le manumalō mo Iesu ma le folafolaga mo tatou o tatou fo’i e mafai ona manumalō i mea uma ua saisaitia ai i tatou i lenei lalolagi.

E taūa le fa’amatalaina e le Tusi Pa’ia Iesu o lo’o i ai fa’atasi ma aposetolo, i luma mai o le Si’itiaga i le Lagi. Sa ia avatu lana fa’amanuiaga e fa’avavau ma fa’amanatu atu iā i latou ina ia tumau pea le fa’atuatua, fa’asalalau lona Malō pa’ia ma fai atu ina ia tu’u atu o latou olaga e ta’ita’ia e le Agaga Pa’ia, o Lē sa ia folafolaina e auina mai iā i latou i se taimi i luma.

O le asō e mafai ona fa’aigoaina o se fa’amavaega ma āna uō fa’alalolagi nei ma ona ala o le olaga i lenei lalolagi. E ui o fa’amavaega e masani ona faigatā ona feagai atu i ai, o lenei faiga sa fa’amāmāina e lo latou fa’amoemoega tu’u fa’atasi mo se lumana’i ma le Ali’i i Lana Malō e fa’avavau. Mo le taimi nei o le a latou feso’ota’i pea e ala ile fa’atuatua ma tatalo.

O tatou fo’i e talitonu o le Ali’i na si’itia i le lagi o lo’o fa’auaau pea ona feso’ota’i mai ma i tatou a o tatou metitasio i ana upu taūa i le tusi pa’ia, talia ana sakalameta ola – fa’afouina ma taumafai ina ia iloatino Lona finagalo i o tatou olaga i aso ta’itasi. Tatou te mafaia fa’apitoa ona mauaina o ia i o tatou tuafafine ma uso. I le alofa ma ‘au’auna atu iā i latou ua tatou faia fo’i lea mo ia, e pei e moni o la e fa’atasi o ia ma i tatou.

Aso 19 Me Aso Sa o le Penetekoso – Faitauga muamua – Galuega 2: 1 – 11. Matua: Ua fa’atumuina i latou uma i le Agaga Pa’ia, ua afua ai ona tautala i Gagana ‘ese’ese.

Salamo 104: 1, 24 (tali), 29 – 30 (tali), 31, 34 (tali). Tali: E te auina atu lou Agaga, e te toe fuata’iina fo’i le fogā’ele’ele.

Faitauga lona lua – 1 Korinito 12: 3 – 7, 12 – 13. Matua: O le Agaga e to’atasi na papatisoina ai i tatou uma i le tino e tasi.

Aleluia, Aleluia... Agaga Pa’ia a, afio mai ia, ia e fa’atumuina loto o au ‘au’auna, ma tutu i ai le afi o lou alofa - Aleluia.

Evagelia – Ioane 20: 19 – 23. Matua: Fa’apei ona auina mai o a’u e le Tamā, e fa’apea fo’i ona ‘ou ‘a’auina atu outou; ia outou talia le Agaga Pa’ia.

Tofitofiga o le Upu:

I le Galuega a Aposetolo, ua tusia e Luka se fuaiupu la'itiiti ae taūa e uiga i le tala o le Penetekoso. “Ua fa'atumulia i latou e Agaga Pa'ia.” O na upu e fitu ua fa'amatala ai lenā mea mata'ina na tupu. O le aso lenei na fa'aoloaina ai le au aposetolo fa'atasi ma le Ekalesia i le fa'ae'ega pa'ia, aumai sa'o mai le Atua. O mealofa e fitu sa fa'ae'eina i lenei fa'apotopotoga fa'atuatua ua fefefe, vala'auina i latou fa'afuase'ia i le matutua. O la latou Atamai fou, Malamalamaina, Faufautua, Malosi, Poto, Amioatua ma le Mata'u ile Ali'i na mauaina ai e latou sa taliaina le fa'amalosi'au ma le to'ai e tatalaina ai faitoto'a ma feagai atu ma le lalolagi.

I nai tausaga ua tuana'i, o se ali'i o Dr. William Menninger sa tusia se lisi o ni uiga lelei e tatau i se tasi ona mauaina ina ia avea o ia ma tagata matua. E fa'ate'ia le tai tutusa o lana lisi ma mealofa e fitu a le Agaga Pa'ia. Fai mai Menninger ina ia matua o lagona, e tatau i se tasi ona:

E tatau i se tasi ona fa'atupuina le mafai ona feagai atu ma le moni.

O le mealofa o le Atamai ua mafai ai e tatou ona iloga le moni mai mafauauga ma ola ai.

Ia i ai le gafatia e fetu'utu'una'i ai i suiga.

Malamalamaina e fesoasaoni i se tasi e talia suiga, va'ai i ai mo le lelei laua'itele. E to'atele e lē fiafia i suiga ae fiafia i le alualu i luma. E lē mafai ona iai se alualu i luma e aunoa ma ni suiga.

O sa'olotoga e muta ona ua aumai i luga e vevesi ma atugaluega.

16

Faufautua ua ta'ita'ia i tatou i tua atu o le va'aiga e maua ai le mafua'aga natia ma fa'aailoga o vevesi ma le mata'u.

Ia maua le gafatia e maua ai le fiafiaga tele i le foa'i atu i lo le taliaina.

Amioatua ua lapata'iaina ai i tatou i le manatu fa'apito. O le Galuega a Aposetolo, ua fa'amatalaina le afio mai o le Agaga Pa'ia, o lo'o i ai ma se fa'aupuga a Iesu, “E sili le manuia o lē na te foa'i atu, i le manuia o lē na te talia mai” (Galuega 20: 35).

Ia i ai le gafatia e feagai atu ai i tagata i se faiga faifai pea, fa'atasi ai ma le fa'amalieina ma le fesoasaoni.

POTO ua aumaia le fa'asino ala tumau i o tatou olaga, ina ne'i afaina i tatou i ni lagona femoumoua'i.

O le i ai o le gafatia e fa'atonutonu ai o tatou malosi fa'aleagaga i se malosi foafoaina ma auala fa'aleleia.

MATA'U I LE ALI'I o se lelei ma una'ia i tatou ina ia ausia galuega lelei ina ne'i lē fa'ataunu'uina. O lenei mata'u e migao, e pei ona migao se tamaitiiti (pe fa'aaloalo) i lona tamā alofa.

Ia i ai le gafatia e alofa atu ai.

MALOSI e tatau mo le alofa moni, ona e aumai ai iā i tatou le loto tele e faia ai se taumauga mamalu e ui i le tulaga lamatia o le te'ea.

O le sakalameta o le Fa'aleleiga e masani ona fa'aigoaina o la tatou Penetekoso. O se vala'au ina ia aga'i atu. Ua vala'au mai le Penetekoso i le au aposetolo ma i tatou i le atoaga o le olaga. O le ola ai ua sili atu i lo na o le pasia o le taimi. Manatu pe ana mafai e mataupu fa'asaeinitisi ona fa'aola i tatou mo le 150 tausaga. O le a se mea e maua pe afai o tatou valea, mata'u ma le ita ua taofiofia i tatou mai le ola fiafia moni ina tausaga? O le a le aogā o nai tausaga fa'aopoopo i se tagata e “fa'aleagaina taimi ua ia maua?

O le Agaga o le Penetekoso ua ave'eseina mai i tatou mai le mata'u aga'i atu i le loto tele; mai le vaivai aga'i atu i le malosi; mai le u'uina i le avatu. Ua fa'amalosi iā i tatou e ola ai se olaga fa'aosofiaina e le alofa, fa'atumulia e le fa'atuatua i aso ta'itasi. Penetekoso ua auina atu ai ni tagata matata'u i se faigamalaga o le liliuga o le lalolagi.

Agaga Pa'ia e, fa'atumulia o matou olaga i lau mealofa taūa!

Aso 26 Me Aso Sa o le Tasitolu Pa'ia – Faitauga muamua – Teuterenome 4: 32 – 34, 39 – 40. Matua: O le Ali'i, o ia lava le Atua i le lagi i lugā, atoa ma le lalolagi nei, e leai lava se tasi.

Salamo 33: 4 – 5 (tali), 6, 9 (tali), 18 – 19 (tali), 20, 22 (tali). Tali: Amuia le nu'u ua filifilia e le Ali'i e fai ma ona lava tofi.

Faitauga lona lua – Roma 8: 14 – 17. Ua outou maua le agaga o tama fai, tou te vala'au atu ai, Ava, le Tamā e!

Aleluia, Aleluia...O le vi'iga i le Tamā, ma le Alo, ma le Agaga Pa'ia, o le Atua lava o lo'o soifua, na soifua fo'i, o le a afiō mai...Aleluia

Evagelia – Mataio 28: 16 – 20. Matua: Ia papatiso atu iā te i latou i le suafa o le Tamā, ma le Atali'i, ma le Agaga Pa'ia.

Tofitofiga o le Upu:

O le Fa'ailoga o le Koluse ua sili atu i lo se faiga masani e amata ma fa'ai'u ai se tatalo. O fa'ailogaina o le koluse o se tatalo; o se tatalo e loloto. O lenei fa'ailoga va'aia o se ta'uta'uina malosi o lo tatou fa'atuatua i le afiō ai o le Tasitolu Pa'ia. E lē gata i lea o se sauniga – itiiti, faia ma tautala i se mea e manino lona fa'alelotu. O se tasi o auala e fa'aopoopo i le patipatia o le Sulufaga a le Tasitolu Pa'ia o le va'ai 'autū lea i le fa'aogaina ma le fa'aaloalo o lenei fa'ailoga.

Tatou te pa'i atu i o tatou ulu fa'ailoa ai o tatou ioe i le fa'atuatua, a o tatou fa'aleoina le suafa o le Tamā, lo tatou Fofofaga mamana. O se tu'utō o tatou mafaufau i le Atua. O tumutumu o tatou tama'ima'i lima o le isi lea ua sau ma malōlō i le pito i lalo o tatou fatu, o se fa'ailoga o le alofa. Tatou ta'ua le igoa o Lē e alofa, le peresona Lonalua a le Tasitolu Pa'ia, le Atua – Tagata ma le Fa'aola. O le fa'ailoga ua fa'ai'u a o gaiōi atu tama'ima'i lima mai le tasi tau'au aga'i atu i le isi, fa'ailoa ai le naunau e avatu o tatou lima atoa i galuega lelei o lo'o i lalo o le ta'ita'iga a le Agaga Pa'ia. Mulimuli lava o le feso'ota'i o lima, fa'ailoa ai ua tatou tutūfa'atasi ma tasi le mafaufau iā tatou taumafaiga. Fa'atasi ai ma lenei gaiōiga fa'ai'u ua tatou fa'apea atu “Amene” – ia fa'apena ona faia.

I le suafa o le Tasitolu Pa'ia sa fa'ailogaina ai i tatou i le papatisoga, fa'amagalō ai a tatou agasala ma talia le anoanoa'i o fa'amanuiga. E ui e 'autū i le tatou fa'atuatua, o le Tasitolu Pa'ia e lē malamalamaina ae ia ta'utino ma fa'amamaluina. O nisi tagata, e naunau ina ia fofō misitelio uma, mao'e le taumafai e fa'amatala le Atua ma aumai le mau e iloaina ona natura ma mafaufauga vāvālalata. Ua latou “fa'auigaina” le Tusi Pa'ia ma 'alo'ese mai fesoasaoni a latou ua i ai le atamai, ua fa'apea mai e atili ai ona nunumi le mataupu. O lenei faiga atonu e fa'atosiga ae e lē amiotonu, ona o le Atua e lē fa'atauva'a, e lē o se lotu fo'i.

Ua tatou talitonu o le Atua o le natura e tasi ae tolu peresona, ae o le uiga atoa o na upu ua i tua atu o tatou malamalama'aga. Ae ui i lea, o le Tasitolu o se fa'ata'ita'iga ma se fa'ailoga

FAITAUGA MO LE MASINA O ME 2024

uiga 'ese o le 'autasi – o se 'autasi ua fa'amoemoeina e le Atua e va'aia i olaga i aso ta'itasi o ana fanau.

O fa'amanuiaga uma a le Ekalesia ua tafe mai le Tasitolu Pa'ia, sa'ilia atu e ala ile Fa'ailogaina o le Koluse. I lalo o le fa'ailoga ua tatou fa'amaufa'ailogaina a tatou folafolaga o fa'aipoipoiga, ma o lenā fa'ailoga tutusa o le a fa'amavae atu ai i le malaga saogalemū i lau malaga atu i le Malō e fa'avavau. Ia avea le Aso Sa o le Tasitolu Pa'ia e fa'aosofiaina ai tatou ta'ito'atasi e fa'aalia le fa'atuatua i o tatou mafaufau, le alofa i o tatou loto, 'au'aunaga i o tatou lima, i le suafa o le Tamā, le Alo, ma le Agaga Pa'ia. Amene.

Aso Sa muamua Iuni Aso Sa o le Tino ma le Toto o Keriso

Faitauga muamua – Esoto 24: 3 – 8. Matua: Fa'auta o le toto o le feagaiga ua osia e le Ali'i ma tatou.

Salamo 116: 12 – 13 (tali), 15 – 16 (tali), 17 – 18 (tali). Tali: Ou te ava'e le ipu o le olataga, ma ou vala'au atu i le suafa o le Ali'i

18

Faitauga lona lua – Eperu 9: 11 – 15. Matua: E fa'amamāina o outou loto fuatia ifo i le toto o Keriso.

Aleluia, Aleluai...O a'u le areto ola na alu ifo mai le lagi; pe a 'ai se tasi i lenei areto, ona ola ai lea o ia e fa'avavau...Aleluia.

Evagelia Mareko 14: 12 – 16, 22 – 26. Matua: O lo'u tino lenei. O lo'u toto lenei.

